



53288

I Mag. St. Dr.

P

*...anoni ... Quarta de inten-
sione et remissione formarum.*

179

Biblioteka Jagiellońska



stdr0002322

QVÆSTIO

DE

INTENSIONE ET REMISSIONE FORMARVM.

A

M. GREGORIO MODLINSKI
in Almâ Cracouiensi Academiâ publicè ad disputandum proposita, die 17 Augusti, Horâ 10.

Permissu M. D. Rectoris.

CRACOVIAE,

Ex Officina Typographica Francisci Cesarij.
Anno Dni 1623.

Si acutior vel disertior vis haberi,
candidus, & serenus veritatem quæ-
re: Sæpè enim affectu suffusa men-
tis integritas quæsitam diu ingeniis
excellentibus perdidit opinionem.

53288

7



Admodum Reuerendo Patri Domino, Dño
BASILIO GOLINIO
Sacræ Theol: Doctori & Profefs.
Canonico Cracouien: Dno &
Mecænati singulari obser-
uantia colendo.

M. GREGORIUS MODLINSKI
Salutem & perennem felicitatem ex animo
precatur.

J*N* lucem prodixit prima ingenij mei contentio
Admodum Reueren: Pater, ut ex iudiciis vi-
rorum præstantissimorum, quem potest colli-
gat fauorem. Questionem adiuuante Deo propo-
no, ut probem, mihi Aristoteleum Curriculum esse
in animo: ad cursum in eodem gnauiter instituen-
dum tu certaminis quasi premio propositum, au-
thor extitisti. Non sequi peramanter impel-
lentem prohibet mea ad te colendum propensio
incitatissima. Quid ni enim tuam constantem be

nevolentiam studiosè colam? qui me ab aliquot
iam annis apud Academiam in optima littera-
rum studia incumbentem, fouere ac complecti
non desinis. Magnum erat mihi aditum ad te
patuisse: maius domo tuâ exceptum fuisse: maxi-
mum sermonibus doctissimis, de literis, in ijsque
faciendis progressionibus animum pectusq; toties
compleuisse. Quorum omnium quoties venit in
mentem recordari, quiddam mihi, paucis expeten-
dum diuinitus contigisse plurimum intra me gau-
deo. Magni estimatur apud cœta iudicia tuæ ele-
gantis literature sinceritas quâ tu nites pulcherri-
mè. Quid amor tuus in Academiam incredibilis?
quo inflammatus canos tuos si id rei communi pro-
futurum sit, in quoduis discrimen statutum habes
apud animum conijcere, Plura de his quæ sentiam,
nisi in aperto essent, dixissem. Illud tuum pro-
prium est, quod annorum, laborum, meritorum,
bene vetus sis: proindeq; qui verus ac præstantis-
simus studiorum fructus est à teipso pendes, aduer-
sus temporum vicissitudines, pugnas, fortune, iniu-
rias ratione & Virtute vincis. Habet profectò
authore Sophocle senilis ætas mentem & opportu-

*ha consilia : habet assertore Democrito florem
temperantiae & prudentiae : habet Tullio suggeren-
te bonas artes omniumque virtutum exercitatio-
nes. Ceterum quia haec laudum tuarum seges al-
terius est temporis, nec isthaec rudiori potest conclu-
di epistolâ : suffecerit me interim proposita ad di-
sputandum questionis patrocinium & authorita-
tem à tui nominis clarissimi petere celebritate.
Quod dum ego spe boni euentus facio, simul cum
ingenioli mei conatu, omnia pietatis & obseruan-
tiae studia deuotissima in usum & possessionem o-
ptimi Fautoris humilis cliens offero. Faxit effector
omnium rerum Deus ut florenti ac beatae Acade-
mie supersis quàm diutissimè. Datum Craconiae
è museo meo, pridie Idus Aug.*

Admodum R. P. Vestr : obseruantissimus

M. Greg. Modlinski

QVÆ

Q V Æ S T I O

Vtrum tum formæ substantiales,
tum accidentariæ è potestate ma-
teriæ eductæ; per additionem gra-
dus ad gradum intendantur, per
remotionem verò gradus à gra-
du remittantur nec ne?

Conclusio I.

Formarum substantialium materialium è
potestate materiæ interuentu actionis agen-
tis naturalis fit eductio.

CORROLLARIA.

1. *Eductionis terminus à quo est esse potentia-
le formæ, terminus verò ad quem esse actuale.*
2. *Materie potentia primò & per se atten-
denda est in ordine ad actum proportionatum,*
qualis

qualis est forma substantialis ex qua est materia
fit ens unum per se.

3. Educi de potentia proprie indicat habitudinem cause materialis non efficientis : cum efficiens per virtutem suam educat proprie effectum de potentia in actum.

4. Adesse vel fieri anime rationalis sine ulla preexistentia in materie potentia, formatio corporis est quedam veluti occasio postulans creationem anime.

5. Monstruosa est opinio omnium, qui vel formas preexistere in quibusdam atomis, vel sub potentia materie actu latitare, vel eas induci in materiam, ab ideis separatis afferebant.

Conclusio II.

Formae accidentariae aliquae etiam sine transmutatione reali de subiecti potentia excitantur.

CORROLLARIA.

1. Ab intentionalibus formis eductio, est subiecti potentia non est remouenda.

2. Cum

2. Cum artificiose forme habeant in subiecto potentiam naturalem, certum est, eas quoque suo modo qui illis debetur è subiecti potentiâ educi.

3. An autem forme supernaturales capaces sint educationis saltem è potentiâ obedientiali. D. Tho: ^{2^a 2^a 6^a} Secunda quest. 51^a. art. 2. determinat: cum hoc uberiùs prosequi non sit Physici instituti.

4. Modis accidentalibus naturalibus qui per propriam actionem fiunt, quæ per se primò tendit ad aliquid educendum ex presupposito subiecto, lex eadem quæ formis accidentarijs conuenit.

5. Motus violentus quia per causam naturalem efficitur, Relationes etiam è subiecti potestate excitantur.

Conclusio III.

Vera intensio, formarum accidentalium per alterationem acquisibilium, adeo est propria: vt repugnet omnibus formis substantialibus.

COROLLARIA.

1. Intensio perficiens actionem circa idem subiectum

iectum unitum quid in eadem parte subiecti dicit,
remissio verò contra se habet,

2. *Acquisitio perfectionis intensiue est vera
& realis actio & passio seu mutatio.*

3. *Intensionis & remissionis dantur certi
termini.*

4. *Intensionis formarum accidentiarum
est successiua acquisitio.*

5. *Habituum etiam intensionem fieri succes-
siue propter limitationem & determinationem ta-
lis virtutis & aliquam resistantiam ex parte subie-
cti, à verò non est alienum.*

Conclusio IV.

Modorum intensionis & remissionis om-
nium qui à variis diuersi afferuntur additio
gradus ad gradum vel remotio per quam for-
mæ accidentales intenduntur vel remittun-
tur, veritati est accomodata,

CORROLLARIA.

I. *Forma remissa virtute in intensâ conti-*

B

netur

netur, suntque ambæ eiusdem speciei.

2. Admissio vel remotio contrarij itemq[ue] acquisitio gradus perfectioris, desinente imperfectiore, aut imperfectioris, perfectiore, intensiōis & remissionis veram rationem minimè subit.

3. Omnes gradus forme qualitatiue constituunt vnā numero qualitatem; cum hoc proprium qualitatis esse videatur ut habeat latitudinem intensuam in eadem parte subiecti.

4. Gradus intensiōis in eadem qualitate sunt eiusdem rationis.

5. Ordo in gradibus homogeneis saltē accidentalis est statuendus.

Cum his in campum Philosophi-
cum excurrere licuit.

Regente feliciter Academiam
Admodum Reueren: Domino
D. IACOBO NAIMANOWIC.
I. V. D. & Professore, Archidia-
cono Pilcen: Cuius virtuti, sapien-
tiæ, fortitudini, vigilantia post
Deum Opt: Max. literulas nostras
& earum ocium debemus.



Fig. 17.



